

四川通志卷三十九

輿地志

三十八

寺觀

二

重慶府

巴

縣

附郭

崇因寺在縣北一里宋熙寧初建康熙四年郡人

給事劉如漢重修

治平寺在縣西宋治平閒建康熙五年總督李國

英重修

大佛寺在縣東

溫泉崇勝寺在縣西一百二十里

附宋馮時行詩
借問禪林景若

何半天樓殿冠嵯峨莫言暑氣此中少自是清風
高處多岌岌九峯晴有霧瀾瀾一水遠無波我來
遊覽便歸去不必吟成證道歌周敦頤詩公程無
暇日暫得宿清幽始覺空門客不生浮世愁溫泉
喧古洞晚磬度危樓徹曉都忘寐心疑在沃州明
劉漢儒詩三月興師疾如鷗好風吹我舟之軸江
聲淅瀝曉霞明江水噴薄渾似輓瞬息萬狀不可
言高者低者山之腹巨如丈人美如姬瘦者偏嫌
肥者肉繩繩小徑鳥難過樵子持柯尋猿宿健兒
報道曇花開雲間直上有天竺攝齊仗劍叩如來
何事蒼黎遭荼戮試問誰戴進賢冠一身積謗千
家哭上帝降罰罰我躬免使閭閻堆死髑頭陀披
衲撒脚迎羞殺宰官著戎服溶溶有水煖如湯激
我熱血濺飛瀑可能徧灑三巴閒借與流離洗瘡

疾

金鰲寺在縣東北七十里

東林寺在縣北十里

觀音圓通寺在縣北一百五十里

種錢寺在縣西二十里今廢

慈雲寺在縣西北十里

國朝李爲棟記余繙雲山人也郡乘所載名勝地復有
所謂慈雲者山去繙雲幾百里而分距上下遙相
迢遞庚申清明余過几水山僧攀遊迺自走馬岡
逶迤十里至山足羣巒疊嶂疑無寺然及度嶺穿
谷則有蒼松夾道青藹虬盤溪澗自巔下激聲響
錚鉉與松簧協應偶憩息其閒已神志俱清頓忘
寺觀

塵事旁有古碣拂苔諦視爲有明閣學王春石先生畱題蓋與縉雲所紀竝垂奕禩也翌日攝屐登前峯見煙霞雲樹綠野青疇錦官行旅局輿負戴慨然歎蠅頭塵網宦海風波心爲形役日逐夢鄉亦安知咫尺雲天別有此逍遙曠境耶畱山中二日凡幽邃奇險之處無不徧歷夜則月挂樹梢寒輝映碧伏枕而聽濤聲鶴唳清楚淒涼恍夢入羅浮與偃佺彭錢吹簫和曲晨鐘一擊遂反華胥與人頻催匆匆將別山僧丐余曰荒山自前明閣部王公去後鮮有題贈山之形勝漫無可徵信來茲者請爲文因記其山右有慈雲寺明季僧智卓與其徒慧仙所重建舊制庵堂凡三十餘所今僅存三覺廊房二十餘楹尙宏濶爽塏推叢林最觀幽曠與縉雲等宜郡乘竝載之惟老樹千章爲名山垂蔭勿剪勿伐是所望於里中善士者

毘盧寺在縣南一百里

萬壽山觀寺在縣北一百五十里

覺林寺在縣東五里卽塗山寺

附唐白居易詩野徑行無伴僧房宿

有期塗山來去熟惟是馬蹄知宋余玠詩木魚敲罷起鐘聲透出叢林萬戶驚一百八聲方始盡六街三市有人行僧清純詩覽勝乘春興同人到覺林四圍山護竹一帶樹畱禽鐵筆書雲表冰泉界碧岑幽崖風細細緩步發清吟

東華觀在縣南元至元閒建明永樂中重修

名勝志城

中有東華觀觀後有東華十八洞皆相通今土人呼其處爲神仙口相傳東華真君於此得道

五福宮在縣西一里

名勝志五福宮乃城中最高處俯瞰闌闌坐帶江流

藥王觀在縣西湖池側康熙五年總督李國英建

清溪道院在縣西

二靈宮在縣東四里

報恩寺在縣東水門內

附唐岑參雪後過報恩寺詩乘興忽相招僧房暮與

朝雪融雙樹濕紗閉一燈燒竹外山低塔藤開院接橋歸家好欲嬾俗慮向來銷又與崔侍御同宿報恩寺詩聞君尋野寺夜宿支公房溪月冷深殿江雲擁曲廊燃燈松林靜煮茗柴門香勝事不可接相思幽興長

香國寺在縣北十里

國朝陳卓詩偶人皈峰寺驚開峰下雲江光穿樹出漁唱雜鐘聞鳥坐窺人倦僧來候客勤吾廬聊一憩潑墨寫清芬把炬尋山寺江干一綫通高樓停月小疏竹倚天空香篆浮金鴨燈花綴玉蟲坐譚瀟

淨理茗飲聽松風張兌和詩言尋香國寺落日翳孤墩萬木秋臨水三江月到門人煙依磬夕漁火隔林昏爲問炎州果何年結淨根僧清純詩此地煙霞古今來始信之竹深三徑僻春老一花垂隨意探陳迹分明認舊碑幾時容洗鉢拄杖復題詩

華巖寺在縣西三十里破山和尚說法處

縉雲寺在縣北九十里

感通錄縉雲寺卽古相思寺以此山有相思崖生相

思竹形如橈釵故名吳均春秋渝州相思寺之北石山有佛迹十三皆長三尺許濶一尺一寸深九寸中有魚文在佛堂北十餘步貞觀二十年十月寺側泉內忽出紅蓮花面廣三尺遊旅往還無不歎訝經月不滅高僧傳隋無相禪師渡笠唐慈應禪師受記二龍處宋景德中改崇教寺

江津縣

廣壽寺在縣東明洪武中建

聖泉寺在縣北十里

聖燈寺在縣南五十里

雙峰寺在縣南一百二十里明建康熙元年重修

永福寺在縣東元至元閒建康熙六年重修

大聖寺

名勝志在縣西七十里按太平廣記東川大聖院一木像製度瓌異耆老云像自荆

湖沂流而上歷歸峽等郡所過多具舟楫取千夫牽挽不抵岸流至渝州州人焚香祈請應聲而佳建此院安置焉

長壽縣

定慧寺在縣東宋紹興中建明洪武閒重修

明月寺在縣東北八十里

朝陽寺在縣東北一百里

雲臺觀在縣北六十里

附宋宋祁遊雲臺觀謁希夷先生陳搏詩仙館山峰

下年華百歲中夢休孤蝶往蛻在一蟬空蕊笈微言祕霄晨浩氣通丹遺舐後鼎林遣御餘風宿霧沈荒白餘霞委暗紅我睂有歸約飛步與誰同

觀音庵在縣西一百二十里

崇真觀在縣東

西十里

北真觀在縣北山巔旁有徐神翁煉丹處

鼎山寺在縣東十里

菩提山寺在縣西十里

天臺寺在縣北四十里

永川縣

元天觀在縣南十里

普照寺在縣南宋寶慶間建明永樂中重修

紫微觀在縣南明洪武中建

東登寺在縣西南五十里

聖水寺在縣南六十里中興間毀左間重修

雪峰塔院在縣西南四十里

寶峰寺在縣西北三十里

佛巖寺在縣東南二十里

紅崖寺在縣西南六十里

佛興寺在縣東三十里

榮昌縣

羅漢寺在縣南有唐明皇御製石刻

壁雲寺在縣南一里

觀音閣在縣北三里佛光常現

報恩寺在縣東門外

寶鼎寺在縣東二十里

妙高寺在縣西五十里

元妙寺在縣東城外

臥佛寺在縣南一里寶蓋山今廢

綦江縣

勝果寺在縣南元時建明洪武中重修

觀音寺在縣南關外十里

古佛寺在古佛坎南四十里

石門寺在橫山

西林寺在縣西五十里

五臺寺在老瀛山今廢

圓通寺在縣西五十里

中王白雲殿

海會寺在縣東三十里

崇恩寺在扶歡壩距縣四十里

白雲寺有二一在太公山一在蝦蟆坎

朝陽寺在鳳凰山

白鶴寺有二一在白鶴山一在蠶婆灘

四庫全書 卷三十九
中峯寺在太公山

珠明寺在橫山四十里

黃沙寺在東溪八十里

玉皇觀在南城外龍鳳山十里

西山寺在縣西二十里

白雲觀在老瀛山明嘉靖中王白雲建

水月殿在縣南

西禪寺在縣東南四十里

南川縣

報恩寺在縣東七里

觀音寺在縣西六十里

安仁寺在縣北四十里

萬壽寺在縣南三十里

迴龍寺在縣西六十里

雲都寺在縣西四十里

三教寺在縣北四十里

龍興寺在縣北三十里

福壽寺在縣東六十里

四川通志 卷三十九
統井寺在縣南五十里

瑞陽觀在縣北六十里

清寧寺在縣北三十里

大興寺在縣西九十里

淨石寺在縣南九十里

水井寺在縣東四十里

明月寺在縣北十五里

白鵠寺有鐘銘碑文今俱廢

銅梁縣